

# *Ho RUA KHORO*

## *EA SERA KA MORA TEKO*

 Ke ipotsa seo...Lea tseba, ke na le mohopoloana, ona, ho bona batho ba ema ha re bala Lentsoe. Na ha le rate hoo? Re ema ho lebisa tlotla, re emela sechaba sa rōna, horeng re sa eme bakeng sa Lentsoe joale?

<sup>2</sup> Re sa eme motsotso feela. Ke ne ke bala seratsoana, nakoana e fetileng, 'me maobane keha ke nahanne ka batho bao ba kileng ba emela Kreste. Haeba u eso e etse, na u ke ke ua e etsa kajeno?

<sup>3</sup> Ho kile ha hlaha moevangeli, lilemo tse ka etsang mashome a supileng a metso e mehlano tse fetileng, ke mpa ke sa hopole lebitso la hae. Ke kholoa e ne e le Arthur McCoy, 'me a ile a tšela na ha. Eaba bosiu bo bong o lora a ile Khanyeng. A re o ile a fihla Khorong, 'me a re ba hana ho mo lumella ho kena. 'Me a re, "Ke Arthur McCoy ea tsoang United States. Ke moevangeli."

<sup>4</sup> Molebeli oa khorao kahare, (joale e ne e le toro), eaba o kena kahare, ha thoe, "Ha ke fumane lebitso la hao ho hang."

A re, "Be, ke ne ke le moevangeli."

A re, "Monghali, ke..."

<sup>5</sup> A re, "Be, na monyetla o teng oo...Phoso e teng."

<sup>6</sup> A re, "Che, monghali. Mona ke tšoere Buka. Ha ke fumane lebitso la hao mona ho hang."

'Me a re, "Be, na nka etsa letho ka eona?"

<sup>7</sup> A re, "U ka ipiletsa nyoe ea hao Kahlolong ea Terone E Tšoeu." Molimo, thusa. Ha ke batle ho fihla mono.

<sup>8</sup> A re, "Be, haeba e le eona feela tšepo ea ka eo, kea kholoa nka ipiletsa nyoe ea ka."

<sup>9</sup> 'Me a re ea ka o tloha a e-ea hole koana, 'me feela... 'Me ha a qala, a re ha hlaha lefifi, eaba ho eketsa ho khanya le ho khanya, 'me ho se moo Leseli lena le emisang teng, empa Le mo teetse hare hantle. 'Me a re eaba O re, "Ke mang ea atamelang Terone ea Ka ea Kahlolo?"

<sup>10</sup> A re, "Ke 'na Arthur McCoy. Ke moevangeli, ke isitse meeaa e mengata 'Musong."

A re, "Lebitso la hao ha lea fumanoa Bukeng?"

"Che."

Ha thoe, "Ka baka leo u ipilelitse Lekhotleng la Ka?"

“E, monghali.”

<sup>11</sup> “U tla sebeletsoa ka toka. Ke u ahlola ka melao ea Ka. Arthur McCoy, na u kile ua bua leshano?”

<sup>12</sup> A re, “Ke ne ke itse ke monna ea lokileng haholo hofihlela ke ema kahara Leseli leo.” A re, “Empa ka pela Sefahleho sa Leseli leo, keha ke le moetsalibe.” Bohle re tla hlaha joalo. U ka ikutloa u bolokehile joale, empa emela mohla u fihlang Mono. Le ikutloa joang ha A tlotsa mona? Le ikutloa le se letho hakakang! Ho tla ba joang Kahlolong ea Terone e Tšoeu?

A re, “U kile ua bua leshano?”

<sup>13</sup> A re, “Ke itse ke ne ke tšepahetse, empa linthoana tseo ke li hopotseng e le mashanonyana a masoue, Mono a hola ‘me a ntšofala.”

A re, “E, monghali, nkile ka bua leshano.”

A re, “Na u kile ua utsoa?”

<sup>14</sup> A re, “Ka hopola ke ile ka tšepahala tabeng eo, ‘me ke eso utsoe, empa ho re, ka pela Sefahleho sa Leseli leo, ka-ka itemoha ke entse liketso, tse likōli.”

A re, “E, monghali, nkile ka utsoa.”

A re, “Kahlolo ea ka . . .”

<sup>15</sup> ‘Me a se a tla utloa kotlo ea hae, “E-ea mollong o sa feleng o lokiselitsoeng liabolosi le mangeloi a hae,” ho re lesapo ka leng le ne le tšoasolohile.

<sup>16</sup> Ha thoe, “Ka utloa lentsoe le monate-nate ho feta leo nkileng ka le utloa bophelong ba ka.” A re, “Ha ke hetla, ka bona sefahleho se mosa ka ho fetisa seo nkileng ka se bona; se le mosa ho feta sefahleho sa ‘mè, lentsoe le fetang leo ‘me a kileng a mpitsa ka lona.” Ha thoe, “Ka retoloha. Ka utloa lentsoe, ha thoe, ‘Ntate, ke ‘nete, o buile mashano ‘me o ne a sa tšepehale. Empa, tlase lefatšeng o kile a emela ‘Na,’ ha thoe, ‘joale le ‘Na ke tla mo emela.”

<sup>17</sup> Ke batla ho etsahale joalo Mono. Ke batla ho Mo emela joale, ho re, ha nako e fihla, A tle a nkemele.

<sup>18</sup> Ha re baleng ho Genese 22; litemana 15, 16, 17, le 18.

*Eaba lengeloi la MORENA le hooeletsa Abrahama la bobeli le le leholimōng.*

*La re, Ho thoe ke MORENA, ke hlapantse ka ‘na hore, ka baka la hobane o entse taba eo, u sa ka ua nkhanela le mora oa hau, ea mong ho uena:*

*Ho hlohonolofatseng ke tla u hlohonolofatsa, . . . ho atiseng ke tla atisa moloko oa hao o be ka ka linaleli tsa leholimō, le lehlabathe le lebopong pela leoatle; ‘me moloko oa hao o tla rua likhoro tsa sera sa oona;*

*Lichaba tsohle tsa lefatše li tla itlhohonolofatsa lelokong la hao; ka baka la hobane u mametse lentsoe la ka.*

Ha re rapeleng.

<sup>19</sup> Ntate oa Leholimō, nka therō joale, Morena, 'me u re sebeletse. Moea o Halalelang a jare Mantsoe, Morena, ho a isa pelōng e 'ngoe le e 'ngoe. Ho khahlanyetsa litebello tsa rōna thapama ena, hobane li khōlō, Morena. 'Me U re laetsa ho kopa haholo, hore thabo ea rōna e tlale. Re e kopa ka Lebitso la Jesu. Amen.

Le ka lula fatše.

<sup>20</sup> Haeba nka e rea therō, metsotso e 'maloa. Kolu ea ka e botsoa, ke tlameha ho ema pela maeke. Kea tseba molumo o a tlallana, empa re tla mamella nakoana. Ke batla ho e rea: *Ho Rua Khoro Ea Sera Ka Mora Teko*.

<sup>21</sup> Tema ea rōna e buloa ho e 'ngoe ea litema tse tlotloang haholo ho Abrahama. Lea tseba Abrahama ke ntata balumeli. 'Me pallo e ne e etsetsoe Abrahama. 'Me ke ka ho ba majalefa feela le eena, ka Kreste, re ka amohelang pallo, ke ka Abrahama. Joale, Abrahama e be e le monna oa tloaelo feela, empa o bitsitsoe ke Molimo 'me a tsepahala pitsong eo. Mohla Molimo o ne o bua le eena, le ka mohla Abrahama ha a belaela puo eo. A tsepama ho eona hantle. Ho sa tsotelehe mathata, a tsepama le eona hantle.

<sup>22</sup> Eaba o tsepisoa mora. A ema lilemo tse mashome a mabeli a metso e mehlano ho fuoa mora eo, a bitsa sohle se khahlano le eona eka hoja se le sieo. 'Me hape, ka mora enoa, ho tla hlohonolofatsoa meloko eohle ea lefatše. 'Me mopatriareka o ne a tsepahale pitsong ea hae le Lentsoeng la pallo.

<sup>23</sup> E ne e le mohlala oa rōna. Joale, ha re shoele ka ho Kreste, re Peō ea Abrahama.

<sup>24</sup> Joale, peō tsa Abrahama li ne li le peli. E 'ngoe e le peō ea tlhaho; e 'ngoe e le Peō ea moea. E 'ngoe e le ea tlhaho, ka nama ea hae; e 'ngoe e le Peō ea tumelo ea hae, tumelo, eo le rōna re beoang Peō ea Abrahama ka eona ka Lentsoe la pallo.

<sup>25</sup> 'Me joale hoba a lekoe lilemo tse telele tse mashome a mabeli a metso e mehlano, 'me, bakeng sa ho fokola, a 'na a ipha matla. Ua bona, ha e sa etsahala selemong sa pele, isao e tla ba mohlolo o fetisang, kaha e lelefalitsoe ka lilemo tse peli. 'Me eaba o phaella lilemo tseo, a ntse a tsofala, le 'mele oa hae o eshoa. Lipopelo tsa Sara, popelo, kapa eona (ea fetoha) e sa nona. 'Me a felile matla, 'me ho e na le... Ha se ntho e ka etsoang ho hang.

<sup>26</sup> Le kile la nahana ka tšebeletso ea Molimo mono? Ua bona, ha O a nontša popelo ea hae feela. Hoba, le hopole, hola A etsa hoo, le hopole holane A etsa hoo...ba ne ba hloka libotlolo

tsena tsa bophelo bo bottle, mehleng eo, ho anyesa lesea, lebese la khomo. Ua bona? O ne a boetse A tlamehile ho... Methapo ea hae ea lebese e ne e omeletse. Ka hona A—A ke ke... Ntho e 'ngoe e ne e tlameha ho etsahala.

<sup>27</sup> Hape, le shebe mosali, oa lilemo tse lekholo, ea kenang pelehang. Pelō ea hae e be e ka sitoa ho e mamella. Ho thata joale ho mosali, oa lilemo tse mashome a mane, ho e etsa. Pelō ea hae e be e ka sitoa ho e mamella. Le tseba seo A se entseng? Haeba le ka ela hloko...

<sup>28</sup> Joale kea tseba bongata bo ka hana. Haeba ho lokile ho etsa tlhahiso ena? Ua bona, ke... E tla be e le mohopolo oa ka feela.

<sup>29</sup> Ua bona, Bibele ke Buka e mohlolo. E ngoletsoe ho pateloa likolo, tsa thutabomolimo. Ba bakae ba tsebang seo? Jesu o lebohile Molimo. O itse, “Kea U leboha, Ntate, hoba U E patetse ba bohlale le ba masene, ua E senolela masea a batlang ho ithuta.” Ke Buka ea lerato. Ha lerato la Molimo le kena pelōng, u hôlehana le Molimo ka lerato, A ntoo Itšenola, moelego oa Bibele. Tlhaloso ea Bibele ke mohla Molimo o hhalosang lipallo tsa Hae ka Boona. Empa, Bibele, E ngotsoe lipakeng tsa mola.

<sup>30</sup> Joale, joaleka mohatsa ka, oh, ke mosali ea khabane ka ho fetisa lefatšeng lohle, ke hlile kea mo rata. O a nthata. Ka nako ha ke tsamaile lapeng, o 'ngolla lengolo, ho re, “Bill ea ratehang, bosiusn bona ke sa tsoa robatsa bana. Kajeno ke hlatsoitse, le sohle seo a se entseng, le lintho tse joalo.” Joale o e bua ka lengolo. Empa, lea bona, ke mo rata haholo, ‘me re batla re le bang hakana, ebile ke—ke khona ho bala lipakeng tsa mela. Ke tseba seo a batlang ho se bua, ua bona, e bang a mpolella kapa che, ua bona. Ke—ke tseba seo a se bolelang, ka baka la lerato la ka ho eena, le kutloisiso ea ka.

<sup>31</sup> Be, le Bibele e ngotsoe joalo. Ua bona? Bao—bao barupelli ba e tlola holimo; ba ke ke ba e thola. Ua bona, u tlameha ho hôlehana le Lentsoe ka lerato, Eena, “ho Mo tseba.” Ua bona?

<sup>32</sup> Joale, joale ka mona, shebang seo A se entseng. Joale Abrahama le Sara ba ne ba holile, “ba tsofetse,” Bibele e itsalo. Ha se ka hoba batho ba phetse haleletsana mono. Bibele e itse, “Ba ne ba holile haholo lilemong.”

<sup>33</sup> Joale le lemohe, hang hoba lengeloi lena le iponahatse, esale re bua ka eona; e ne e le Elohim, Molimo. ‘Me O buile, a bolella Abrahama, “Ke tla u etela ka nako ea bophelo.” Joale shebang hoo hohle mono, e ne e le papiso ea Kereke, ho haola joalo.

<sup>34</sup> Joale shebang. Se hlahileng ke sena. Joale, ha A ka a rokella Sara feela, le ho rokella Abrahama. O boetse a ba fetola mohlankana le mosetsana. Joale ekare e a hlolla, empa joale shebang Lentsoe lohle, le le kopanye. Lentsoe le bululetsoe, le uena o tlameha ho susumetsoa ‘moho le Lentsoe. Joale, hopolang, hang ka mora moo, hang hoba Lengeloi lena le iponahatse...

<sup>35</sup> Kea bona feela, moriri o moputsoa oo oa Sara, nkhononyana ea tjale lehetleng, le tukunyana, a tšoere lere, a tsamaea hohle. "Na, na nka boela ka thaba le morena oa ka, athe le eena o tsofetse, hape?" Ua bona? 'Me Abrahama e le enoa, telu tsa hae li le telele, o ikokotletse ka lere, ka mokhoa oa hae, a se a holile ho hoholo lilemong.

<sup>36</sup> 'Me kea bona, hoseng ho hlahlamang, mahetla a hae a qala a otloloha, lekhutla le nyamela sekotlong sa hae. Moriri oa hae o qala o fetoha. Ba ne ba khutletse ho mohlankana le ho mosetsana. Mohlala oa seo A tla se etsetsa Peō ea Abrahama ea Borena, ua bona, mohla re "fetoloang ka nako le motsotso, ka ho panya ha leihlo, 'me re nkao hammoho."

<sup>37</sup> Shebang se hlahileng. Ntumelleng ho le kholisetsa eona. Joale eaba ba nka leeto ho tloha moo, mono Gomora; ba ea hole koana Gerare, tlase naheng ea Bafilestine. Na le eleletsoe? Tšoaeang bohole ba eona, 'mapeng. Ke leeto la letonana ho metsofe ea lilemo tseo.

<sup>38</sup> 'Me hape, ntle le moo, mono—mono naheng ea Bafilestine, ho le morena e mocha ea bitsoang Amaleke, a ntse a batlana le mosali. A teetsoe hare ke banana bohole ba batle ba Bafilestine, empa eitseha a bona nkhono, a re, "Tšobotsi ea hae ea khahla," a mo rata a batla ho mo nyala. Ke hantle. Uh-huh. Ua bona, o ne a le motle. Ua bona?

<sup>39</sup> Keha a khutletse ho mosetsana. Lemohang, o ne a tlamehile joalo, ho hlahisa ngoana enoa. Molimo oa mo etsa sebopuoa se secha. 'Me o ne a tlamehile joalo, ho ka hlahisa ngoana enoa. Le be le hopole, Abrahama, "'mele oa hae o se o ichoeletse," 'me Sara o shoele mohla Abrahama a leng... Isaaka o ne a le lilemo tse mashome a mane a metso e mehlano, kea kholoa, mohla Sara a shoang. Eaba Abrahama o nyala mosali e mong a fumana bara ba supileng ho sa baloe barali, ka mora moo. Ha-ha! Amen.

<sup>40</sup> Ua bona, bala lipakeng tsa mela. Ke papiso. Ho supa mono seo A tla se etsetsa Bana bohole ba Abrahama. Rea e atamela hona joale, mahetla a rōna a lekhutla le tsohle ha li etse phapang, metsoalle. Le meriri ea rōna e meputsoa le eng hape, ha se lebaka hona joale. Ha re shebe morao. Re mpe re shebe seo re habileng pele koana.

<sup>41</sup> Le hopole, pontšo ena eo re e bonang, ke pontšo ea ho getela eo Abrahama le Sara ba e boneng, pele mora oa pallo a fihla temeng. Rea lumela re horeng eo.

<sup>42</sup> Mopatriareka, hoba moshanyana enoa a hlahe. Le nahanang ka Isaaka, mohla a leng lilemo tse leshome le metso e 'meli; moshanyana e motle, ea moriri o mangetse, ka mahloana a masootho? Ebe 'mè eo o ikutloile joang; mosali e mocha e motle, hape, le ntatae. 'Me tsatsi le leng, Molimo oa re, joale, ona ke mohlala; re hole koana, hora e tla fihla. "Ke u entse ntata

lichaba, ka moshanyana enoa, empa ke batla u nke moshanyana enoa u mo ise thabeng eo Ke tla u bontša eona, Ke batla hore u 'molaele teng, ho mo etsa sehlabelo." Na u ka e nahana?

<sup>43</sup> Joale ha u eso qeloe ho fetisoa tekong e kaalo. Ha a sa etsa hoo joale. E ne e le lipapiso, liriti.

<sup>44</sup> Na Abrahama o kile a tšaba? Che, monghali. Abrahama o boletse tjena, "Ke khotsoe ruri hobane A ka mo tsosa bafung, kaha ke mo fumane joaleka ka ea seng a ichoeletse. 'Me efela ha molao oo oa Molimo o ntaetse ho e etsa, ke ile ka tšepahala ho ona, ka ba ka buselsetsoa, ka fuoa mora; Molimo o tsebisisa ruri ho mo tsosa bafung; moo ke mo fumaneng teng, ka papiso."

<sup>45</sup> Oh, khili, motsoalle! Efela ha Molimo o neile lona Mapentekosta Moea o Halalelang, ho bua ka lipuo, hakakang le tlameha ho lumela matla a Hae a folisang, le molemo oa Hae le mohau! Haeba A entse hoo, pontšeng ea baithuti bohole ba thutamolimo naha ka bophara! Ba itse e ke ke ea etsoa, empa Molimo o e entse hoba A e tšepeisitse. Ema le Sethunya sa hao, Lentsoe la hao, Sabole ea hao, lumela Lentsoe la Molimo. Molimo o itsalo, 'me ke phetho!

<sup>46</sup> Lemohang, joale, o mo tsamaisitse leeto la matsatsi a mararō ho tloha mono, ka limulete. Joale nka tsamaea, mohla ke ne ke hlahluba, ke khonne ho tsamaea limaele tse mashome a mararō letsatsi ka leng, nahathote; maoto a rōna a tšoetšoethe mafura, ka mantsoe a mang. Empa banna bao, maetso a bona feela, e le ho kalla esele kapa—kapa ho tsamaea. 'Me o tsamaile leeto la matsatsi a mararō ho tloha moo, eaba o lelatsta mahlo, kantle koana nahathote, a bonela thaba hole.

<sup>47</sup> A tšoara Isaaka a mo tlama matsoho. Etsoe, bohole rea tseba, mona ho Genese 22, ke papiso ea Kreste. A mo nyollela thabeng, a tlamiloe, kamoo le eena Jesu a nyoletoeng thabeng, Thaba Kavari; papiso ea Molimo o fanang ka Mora oa Oona, ehlile.

<sup>48</sup> Empa hoba ba fihle holimo mono, a bile le kutlo, Isaaka a qala a belaela. A re, "Ntate, patsi ke ena, aletare ke ena, mollo ke ona, empa sehlabelo se kae?"

<sup>49</sup> 'Me Abrahama, o tsebile mohopolong oa hae, Lentsoe la Molimo keha le eme kantle mono, o itse, "Mora oa ka, Molimo o khona ho Iponela sehlabelo." Nqalo eo a e rea, "Jehova-Jireh."

<sup>50</sup> 'Me eitse ha a tlama mora oa hae, a ba le kutlo ho isa lefung; a mo robatsa holima aletare, a ntša thipa selateng, a qala a nka bophelo ba mora oa hae. 'Me, hoba a etse, Ntho ea tšoara letsoho la hae, ha thoe, "Abrahama, khutlisa letsoho la hao."

<sup>51</sup> 'Me ka eona nako eo, pheleu ea lla, ka mora hae, linaka tsa eona li tšoasehile nahathote.

<sup>52</sup> Na le kile la nahana, pheleu eo e hlahile kae? Hopolang, naha eo e tletse litau le liphiri le liphokojoe, libatana tseo tse

rusullang linku. A le hole hakae le tsoelopele? 'Me, hape, holimo qhooeng ea thaba, moo metsi a leng sieo. O bile a thonaka majoe, ka mathoko, ho aha aletare. Pheleu eo e hlahile kae? Ua bona?

<sup>53</sup> Empa e ne e se pono. O hlabilo pheleu; e neng e na le mali. O ile a reng? "Molimo a ka Iponela sehlabelo."

<sup>54</sup> Ebe *u* tla tsoa joang setulong seo? Ngoana *eo* ea reketlang o tla fola joang, kapa *uenā* ea setulong seo, *uenā* ho tsoa mono, *uenā* ea tšoeroeng ke pelō? Molato ke'ng, "Molimo o khona ho Iponela."

<sup>55</sup> Abrahama o e lumetse. Mopatriareka a ema a tšepehile nqa pallo. 'Me O ne a entse pallo, e reng, "Peō ea hao! Kaha u lumetse Lentsoe la Ka, 'me ho sa tsotelloe maemo, peō ea hao e tla rua khoro ea sera sa eona."

<sup>56</sup> Hobaneng? Sera sefe se hlahang, e le papiso, khahlano le Abrahama, Abra-... Sera seo sa, "O tsofetse haholo. Ke tsofetse haholo. Sena sohle, le hona hohle." A 'na a ema a tiile nqa pallo eo.

<sup>57</sup> Joale, monna ea ruileng tumelo eo, o sa ntse a tla nka Lentsoe la Molimo ho sa tsotelloe mabaka. Joale, ha u sa khone, ha u Peō ea Abrahama. Hoba Abrahama o ne a ruile tumelo e joalo, Peō ea hae.

<sup>58</sup> Pallo ea Abrahama e ne e le ho re "Peō" ea hae, joale Peō ea hae ea borena, le eona, e kenngoa ho latela polelo ea ka nakoana e fetileng. 'Me tiiso ena eo A e neileng Abrahama, e ne e le tiiso ea pallo. 'Me Peō ea borena, ho latela Baefese 4:30, e "tiisoa ka Moea o Halalelang," ka mora hoba ba mamelle hlahlobo. Lekang ho e nahana.

<sup>59</sup> Bongata bo ikhopola bo fumane Moea o Halalelang. Bongata bo itlaleha bo ena le Moea o Halalelang. Bongata bo ka supa matšoao a mangata le lipontšo tsa oona. Empa, le joale, haeba e sa khone ho tsepama le Lentsoe lena, ha se Moea o Halalelang. Ua bona?

<sup>60</sup> U lumela Lentsoe ka leng, ebe moo u tiisoang ka mora hlahlobo. Ha re lumela pallo ka 'ngoe ka hara Lentsoe, re tiisoa ka Moea, ho thasisetsa pallo eo. Ke eona, ke oona mokhoa oa Abrahama, kamoo a sebelitseng. Ebe hona, homme hona feela, mohla re nang le tokelo ea ho rua khoro ea sera sa rōna. U ke ke ua e khona pele u fetoha Peō eo. Hopola, ka hara Bibele...

<sup>61</sup> Ke buile ka eona, mane Houston kapa nqa e 'ngoe, kae... kapa, ke bolela Dallas. *Letšoao*.

<sup>62</sup> Ua bona, e-e Mojuda o b'a ka supa, tlase Iseraeleng, a itlalehe e le Mojuda ka lebollo. Empa Molimo oa re, "Ha Ke bona mali! 'Me mali e tla ba letšoao ho lona."

<sup>63</sup> Bophelo bo nong bo ahile ka hara mali bo sitiloe ho khutlela ho morapeli, hobane, be, e ne e le bophelo ba

phoofolo, e le seriti sa se atamelang Bophelo ba mannete. Hape, motsoako, mali boona, a tlameha ho tlerefala holima monyako le likosene tsa monyako.

<sup>64</sup> A tšoasoa ka hisopa, e leng setlama tika-hohle, ho supa u sa tlameha ho rua tumelo ea tonana. U mpa u rua eona, tumelo ea hao, ka moo u tlamehang ho lumisa koloi ea hao, ho tla kerekeng. Ua bona? Batho bongata ba hopola ba tlameha ho fetoha ntho... Empa, che, che, ke phoso. U sebelisa tumelo ea tloaelo ho tšasa Mali. Utloa Lentsoe, 'me u lumele Lentsoe, Le sebelise, ke phetho. Khola litlama hohle Palestina, ke hisopa, ke setlama se melang mapatsong a marako, le ka mathoko, se inoa maling 'me a tšasoa holima kosene ea menyako.

<sup>65</sup> 'Me, le hopole, ha ke tsotelle botebo ba selekane sa bona, le ka moo Mojuda a ka itsupang a bolotse, e le motho ea mosa ha kae, selekane sohle se hlaliloe matla haese ha—ha letšao le bonahala. "Ha Ke bona mali," feela.

<sup>66</sup> Joale, Mali joale, Letšao, ha se motsoako, motsoako oa Mali a Jesu Kreste, hoba A tšolotsoe likete tsa lilemo tse fetileng.

<sup>67</sup> Empa, u a bona, moo oona... motsoako o ne o tlameha ho ba teng, bophelo bo kahara phoofolo bo sitiloe ho khutlela holima motho, hobane bophelo ba phooofolo ha bo na soule. Phoofolo ha e khone ho khetha botle le bobe. Motho ke eena ea nang le soule.

<sup>68</sup> Joale, empa mohla Jesu, Mora Molimo, ea tsoetsoeng ke moroetsana, a ne a tšolla Mali a Hae, Bophelo bo neng bo le ka hara Mali ao e ne e le Molimo ka Boona. Bibele e itse, "Re bolokehile ka Bophelo, ka Mali a Molimo." Ha se mali a Mojuda, ha se mali a Molichaba; empa Bophelo ba Molimo. Molimo o bopile sele ena ea Mali, e tsoetsoeng ke moroetsana. A eso tsebe monna, hape a eso... lehe ha lea tsoa ho eena.

<sup>69</sup> Ke tseba batho ba bangata ba batlang ho lumela ba re lehe le entse joalo. Lehe le ke ke la ba teng maikutlo a le sieo, ebe Molimo o entse'ng? Ua bona?

<sup>70</sup> O bopile lehe le sele ea Mali 'moho, 'me eo e ne e le tabernakele ea Molimo, e halalelang. "Nke ke ka lesa Mohalaleli oa Ka hore a bone ho bola." Le bona moo lehe le kenang teng? "Le joalo Nke ka tloehela soule ea Hae liheleng." 'Mele oa Hae o ne o halalela! Oh, khili! Ha u khone, ha u sa e lumele, u ka ipitsa Mokreste joang?

<sup>71</sup> "Re bolokehile ka Mali a Molimo." Tumelo ea ka e tšetlehiloe teng. Ha se ho tsamaea ka ntle mono ka mali a moporofeta, ha se ho tsamaea ka ntle mono ka mali a monna ea pala, kapa moruti, kapa moituti oa thutabomolimo. Re tsamaea mono ka hara Mali a Molimo. Molimo o itsalo. O fetohile motho. O ile a fetola lefutso la Hae. O ile a thakhisa tente ea Hae mona, le rōna, a fetoha e mong oa rōna. Ke Molopolli oa Lesika la rōna. O ne a tlamehe ho fetoha oa habo rōna, hoba e ne e le molao. Molimo oa fetoha motho oa aha hara rōna.

<sup>72</sup> Lemohang mokhoa, ka ketso ena, kahobane A tsoa ho Eena, e ne e le Molimo, Moea, 'me Moea oo o lula holima molumeli. Ka baka leo, Bophelo bo nong bo ahile ka hara Sehlabelo sa rōna, re entsoe setlama se le seng ka bona Bophelo boo.

<sup>73</sup> Ba khona joang ho shebella Bophelo ba Molimo bo tsamaea hara batho, ebe ba Bo bitsa ntho e sa hloekang, athe Boo ke boitsebiso ba rōna ba Sehlabelo sa rōna? "Ea lumelang ho 'Na, mesebetsi eo Ke e etsang o tla e etsa le eena." Bophelo ba Hae bo khutlela holima sehlab-...bo tsoang Sehlabelong, ha re Bea matsoho a rōna holima Sona 'me re itemoha re shoele mehopolong ea rōna. Re ka lumellamekhatlo ea malumeli joang ho re sutumeletsa litumeloaneng le linthong, re ntoo ipitsa balumeli ba Lona? Re shoele nqa lintho tseo.

<sup>74</sup> Pauluse o itse, "Lintho tseo ha li sa nkhathatsa," hoba o ne a tlameletsoe bonneteng, e leng Kreste. Ebile tšibollo efe ea makhonthe e tlameletsoe bonneteng, 'me bonneta ba ka ke Lentsoe. 'Me mang le mang o joalo, ea—ea tsoetsoeng ke Moea ka 'nete, bonneta ba bona ke Lentsoe la Molimo. Ke tlameletsoe ho Lona. Ke ile bea matsoho a ka holima Lona. 'Me Le eme sebakeng sa ka, 'me ke ikentse setlama se le seng le Eena. Re tsebile hoba O tsepisitse ho Iketsa setlama se le seng le rōna. Hoo ho hlahisa tumelo ea mannete; ha se tumelo ea hao, empa ke tumelo ea Hae; ntho e sa laoloeng ke uena. E etsoa ke Eena. Joale lemohang. Hape, mohlang oo, ke hona feela mohla... pallo e etselitsoeng uena.

<sup>75</sup> Ho sa tsotelehe na u ngolisitse le likereke tse ngata ha kae, u kolobelitsoe ha kae; sefahleho se kolumetse, ka seetse, ka moo u batlang kateng. Pele Tiiso eo e manehoa holima hao, ha u na le tokelo ea ho itlaleha u khomahantsoe le Sehlabelo sa hao.

<sup>76</sup> 'Me Tiiso ea Molimo ke'ng? Baefese 4:30, e re, "Le se ke la soabisa Moea o Halalelang oa Molimo, oo le tšoailoeng ke oona ho fihlela Letsatsi la topollo ea lona." Ha se ho tloha tsoseletsong ho ea tsoseletsong, empa u tšoailoe ka Bosafeleng ho fihlela ka Letsatsi leo u tla lopolloa u khutla.

<sup>77</sup> 'Me, le hopole, haeba u ne u sa lula mehopolong ea Molimo, ha u sa tla ba le Molimo. Ba Mo tsebang e ne e le molopolli ba bakae? [Phutheho e re, "Amen."—Mong.] Be, hape, ntho efe e lopolloang e tlameha ho khutlela moo e oeleng e le hona teng. Haeba A tlide ho re lopolla, re ka khona joang, athe khetlo le leng re ne re sa tlameha ho lopolloa, 'me bohle "re tsoaletsoe sebeng, re bopetsoe bokhopong, re tlide lefatšeng re bua mashano"? Hoo ho supa Mokreste oa makhonthe e le tholoana ea mohopolo oa Molimo, le pele lefatše le eba teng, kapa naleli, kapa moea, kapa ntho efe ese. Ke oa Bosafeleng, 'me O tlide ho re lopolla. Ke mohopolo oa Molimo, u builoeng ua ba ua fetoloa Lentsoe, le ho bonahatsoa 'me oa re...oa busetsoa mehopolong oa Hae.

<sup>78</sup> Molopolli oa Lesika! Ka oona morero oo Molimo Boona o ne o tlamehe ho fetoha e mong oa rōna, ho lopolla. E be ke ke ea phethisoa ke letho. Lengeloi le be le ka sitoa, ha ho letho le sele. O ne a tlamehe ho theoha, ho lekoa joaleka rōna, ho re lopolla.

<sup>79</sup> Lemohang joale peō ea Abrahama ea tlhaho. Ha re lekoleng lipeō tse ling tseo tsa tlhaho, re bone haeba Molimo o bolokile Lentsoe la Oona nqa peō ea tlhaho, eona e ne e le Isaaka. Ha re lekoleng peō tse ling tsa tlhaho tse lumetseng pallo ea Molimo e tletseng li se na potso. Joale le hopole, ho bololitsoe mashome a likete a atisoang ka likete tse atisoang ka katiso ea likete le ntho eohle e sele, 'me le joale e se Peō ea Abrahama. Ehlide, "Mojuda ha se Mojuda ka ntle; Mojuda ke ea ka hare." Bao, ba bangata ba bona, ba hlolehile, ba hlolehile habohloko.

<sup>80</sup> Shebang, nahathote eo, ba itse, "Rōna . . ." E le ka letsatsi la Paseka, kapa mohla ho nooang selibeng, Mohalaleli Johanne 6. Bohle ba nyakaletse.

<sup>81</sup> Jesu o itse, "Ke 'Na Lefika le neng le le nahathote. Ke 'Na Bohobe bo tsoang ho Molimo, Leholimōng, motho ea bo jang a ke ke a shoaa."

<sup>82</sup> Ba itse, "Bontata rōna ba jele manna nahathote, ka lilemo tse mashome a mane."

A re, "'Me bao, e mong le e mong, o shoele."

<sup>83</sup> *Shoele*, ako mathise lentsoe leo, u bone seo le se bolelang, "Karohano ea Bosafeleng." Koana, e ne e le peō ea Abrahama. *Shoele* e lekanya "karohano, timeletso, ho senngoa ka botlalo, timeletso." Jesu o itse ba shoele, e mong le e mong oa bona, athe e ne e le Bajuda ba bololitsoeng.

<sup>84</sup> Ua bona, bafutsana ba batho, ka hoba feela re le Methodise, Baptise, Presbeteriene, re ipoletse hanyenyane, le lintho tse kang tseo; liabolosi le eena o lumela ha kaa ka rōna.

<sup>85</sup> Empa o tlameha ho etsoa setlama se le seng le Sona. Molimo o tlameha ho E pakela, ka ho tiisa ka Moea o Halalelang. Ha ho potso ka Lentsoe!

<sup>86</sup> Haeba u re, "Be, joale, e ne e etselitsoe letsatsi le leng," phoso e teng.

<sup>87</sup> U reng ka motho ea kenang a matha, 'me u 'molella ka leseli le chabileng, ebe o matha a kena mokatong o ka tlase, ho re, "Kea e hana. Kea e hana. Leseli ha se ntho e teng. Ha ke e lumele"? Ekabe'ba phoso e teng ho monna eo. O fapanie kelello. Haeba a latola mahlaseli a lona a mofuthu le mohloli oa lona o fanang ka bophelo, phoso e teng ka eena, kelellong.

<sup>88</sup> 'Me motho ha a bona Lentsoe la Molimo, le hlakisoa pela hae, le tsebahatsoa, a ntso ikoalla 'me a theola likharete tsa hae tsa mokhatlo oa bolumeli, phoso e teng ka monna eo,

moeeng. Phoso e teng ka eena. Phoso e teng moeeng. Ha a batle ho Le amohela. "Sefofu, athe ha a tsebe," o habile Kahlolo, 'me Molimo e tla ba moahloli.

<sup>89</sup> Lemohang ka mora hoba ba—ba etse sena, 'me joale lipeō tsena tse Le lumetseng, shebang se etsahetseng. Ha re hlahllobeng ba bang ba bona joale, peō ea Abrahama.

<sup>90</sup> Ha re nkeng bana ba Baheberu, kaha ba kile ba ema ba tiile ba sa lumele ho rapela setšoantšo. Ba hanne ho khumamela setšoantšo se betliloeng ke morena oa sechaba. Se entsoe ka monna ea halalelang, hape, setšoantšo sa Daniele.

<sup>91</sup> Taba e supang hoba morabe oa Balichaba o kentsoe ka lehlakore le phoso, la ho rapela setšoantšo sa monna ea halalelang. O tsoa ka ho tšoana, mohla batho ba tla qophelloa ho rapela litšoantšo tsa batho. O kene ka tšenolo, ea Daniele ea tsebileng ho toloka Lentsoe, le ngotsoeng ka mongolo oa letsoho leboteng. O kene joalo, o tsoa ka ho tšoana, ka ho tšoana, ka setšoantšo sa Balichaba.

<sup>92</sup> Lemohang, ba hanne ho e etsa. 'Me eaba ba etsang? E ne e le peō ea Abrahama e emetseng Lentsoe ka 'nete, 'me ba ruile khoro ea sera, sa mollo. Ba e khonne. Be, Lentsoe la Molimo ke 'nete.

<sup>93</sup> Daniele, a hlahljoja ka ho rapela Molimo o le mong oa 'nete. A beoa hlahllobong ea eona. 'Me mehleng ea hlahlobo, a emela hlahlobo. 'Me eaba Molimo o etsa'ng, mohla e kang o phutla ka mokotla, ka puo ea rōna? 'Me ba sa tsebe na ba etseng. Ba tla mo fepa tau. Empa Daniele a emela hlahlobo ka ho tiea, ka hore Molimo oa 'nete o mong, eaba o rua khoro ea sera sa hae. Molimo o no o koetse molomo oa tau.

<sup>94</sup> Moshe o ile a emela lentsoe la pallo ka ho tiea, pontšeng ea baipēhi ba bohata, Jambrese le Janese, mohla hlahlobo. Shebang, Molimo o kopane le eena, ka mohlolo, oa mo laea ho etsa lintho tsena, ho hlahisa lipontšo tsena, 'me pontšo ka 'ngoe e tla ba le puo. Moshe a theoha hantle, a tiile ka tsebo ea hae. A lahlela lere fatše, la fetoha noha. Le tseba se hlahileng? Baipēhi ke bana ba fihla ba etsa hona hoo.

<sup>95</sup> Joale, Moshe ha a akha matsoho a hae, ho thoe, "Be, kea kholoa ntho eohle e phoso." A ema mono a shebella Molimo. A ema a tiile. Ho sa natse baipēhi ba bangata ba hlahileng, a ema a tiile. 'Me hoba a emele thomo ea hae a tiile, ea ho ntša batho nqalong eo. Mohla khoro ea metsi e mo etang kapele, Molimo oa mo ruisa eona, 'me Oa bulu khoro ka Topallo ea Mollo e mo etellang pele. A nka batho a ba isa lefatšeng la pallo.

<sup>96</sup> Joshua, moetapele e mong e moholo. Ba babeli feela ho tsoa...ba ile lefatšeng la pallo, Joshua le Kalebe. Ba fihlike nqalong e bitsoang Kadeshe, eona e le setsi sa lefatše mehleng eo, eibile e le setulo sa kahlolo. 'Me, oh, ba roma lihloela tse leshome le metso e 'meli ho hloela naha, eaba ho khutla ba leshome le metso e 'meli la bona.

<sup>97</sup> Leshome la bona la re, “Oh, ke mosebetsi o sitang. Ha re a o khona. Be, batho bao, re tšoana le litsienyane mabapa le bona.”

<sup>98</sup> Empa Joshua a etsa’ng? A khutsisa batho. A re, “Beang butle motsotso. Re khona ka ho fetisa ho le hapa, ho sa tsotelloe bonyenyane ba rōna, kapa na re ’maloa hakae.” O ne a etsang? O ne a tsepame pallong eo ka ho tiea, “Ke le nea lefatše lena,” le mpe le loane noko ka ’ngoe ea lona.

<sup>99</sup> U lumela seo, ’mè? Molimo o u file pholiso ea hao, empa u tla e loanela noko ka ’ngoe. “Hohle moo maoto a hao a hatang, Ke u neile lona e le lefa.” *Mehato* e bolela “lefa.” Ke ea hao kaofela, pallo ka ’ngoe ke ea hao, empa u tla loana noko ka ’ngoe ho kena joale.

<sup>100</sup> Joale, Joshua o tsebile seo Molimo a se buileng. E ne e le peō ea Abrahama. Ua bona? O itse, “Kea e lumela, Molimo o re neile lefatše, ’me re khona ka ho fetisisa ho le hapa.” ’Me ka hobane a mameletse hlahlolo, khahlano le sehlopha sohle sa Baiseraele, merabe eohle le batho bohole ba luma-lumang ba llang. Joshua a re, “Tholang tu! Molimo o entse tšepiso.”

<sup>101</sup> Ho sa tsotellehe boholo ba hao, le kemokhahlano ea mofuta mong, le seo ngaka e se buileng, Molimo o tšepisitse. Ho ho Molimo ho e etsa.

<sup>102</sup> Eaba o etsa’ng? Mohla a theohelang nokeng ea Jordane, o na rue khoro. Ke sona seo a—a se entseng.

<sup>103</sup> Jeriko, e tinkelitsoeng sa khulu kahara khetla. O ile a etsa’ng? A rua khoro.

<sup>104</sup> Tsatsi le leng mohla sera sa hae se batlang ho mo fekisa, a rua khoro ea sera sa hae a ba a laela letsatsi ho ema tsi. ’Me letsatsi la mo utloa, la lesa ho phikoloha lihora tse mashome a mabeli a metso e mene.

<sup>105</sup> Molimo o tiile pallong ea Oona, ho sa tsotelloe seo A tlamehang ho se etsa; o tla futsanehisā Maholimō pele A lumella Lentsoe la Hae ho hloleha. Ha A eso etse tsepiso ea A sitoang ho e boloka. “Ke ’Na Morena ea folisang maloetse a lona oohe. Ha ba Bea matsoho holima ba kulang, ba tla fola.” Amen. “Ha u lumela, tsohle li ka etsoa.”

<sup>106</sup> Joshua o e lumetse, le haeba Molimo a ne a tlameha ho khina lefatše phikolohong. Oa le khina mono ka Matla a itseng, matla a Hae ka Boona; lefatše la hana ho phikoloha lihora tse mashome a mabeli a metso e mene, ho fihla Joshua a iphetelitse sereng sa hae. A hapa likhoro. Ruri, o e entse. Molimo o tiile ka mehla.

<sup>107</sup> Joale ea ka re ka fumana nako ea ho tšoara bahale ba bang, empa ke saletsoe ke metsotso e ka bang leshome joale. Sheba, bahale bana bohole ba khabane, ka mokhoa oa bona, le linatla tse khōlō tsa tumelo, bohole ba shoole khorong ea lefu. Bohle ba timetse, hantle khorong ea lefu.

<sup>108</sup> Eaba ho fihla Peō ea Borena ea Abrahama. Bohle e ne e le peō ea tlhaho, e tsoang ho Isaaka. Empa Peō ea Borena ea Abrahama ke ena e fihla, eona e le Kreste, Peō ea Abrahama ea tumelo; seo re tlamehang ho ba sona, ho bona haeba re le eona kapa che. Peō ea tlhaho e ne e le papiso feela. Ba bang bohle ba tsoetsoe ka tsoalo ea tlhaho, empa eena O tlide ka tsoalo ea moroetsana. Ua bona, e ne e se oa peō ea Abrahama, ke hona, Mojuda. O tlide ka peō ea tumelo ka pallo. 'Me, hape, re tlameha ho fetoha bana ba Hae, ka Monna enoa.

<sup>109</sup> Shebang seo A se entseng. Mohla A leng holima lefatše, O ile a hapa a rua khoro ka 'ngoe ea sera; Peō ea Borena. O e tsepisitse ka Lentsoe. O e hapile. O hapile khoro ea maloetse, bakeng sa rōna. Ke sona seo A ttileng ho se etsa. Eena, hopolang, batho ba kulang, O hapile khoro eo. Ha u a tlameha ho e hapa; O e hapile. Banna ba bang ba ne ba tlamehe ho hapa khoro ea bona. Empa ha u a tlameha ho hapa; e se e hapuo. O hapile likhoro tsa maloetse. 'Me O entseng mohla A na a hapa likhoro tsa maloetse, ha thoe O tla se etsa? "Seo le se kopang lefatseng, le seo le se tlammeng lefatšeng, O tla se tlama Leholimōng," ho re nea linotlolo tsa khoro.

<sup>110</sup> O hapile khoro ea moleko, ka Lentsoe. 'Me linotlolo e le tsena, "Hanelang sera, 'me se tla le balehela." O e hapile kaofela; ho hlola maloetse a mang le a mang.

<sup>111</sup> O hapile lefu, 'me O hapile lihele. O hapile lefu le lihele. O hapile seo ba bang sitliloeng ho se hapa, hobane bona ke ba peō ea tlhaho. Ena ke Peō ea moea. O hapile khoro ea lebitla, le ho tsoha ka letsatsi la borarō, bakeng sa tokafatso ea rōna.

<sup>112</sup> "'Me joale re fetisa bahloli." Re kena ho eona feela, e le lefa, "Ho fetisa bahloli." Joale re sebetsana le sera se hlotsoeng. Maloetse a hlotsoe. Lefu le hlotsoe. Lihele li hlotsoe. Ntho ka 'ngoe e hlotsoe. Oh, khili! Ea ka boholo ba ka bo be bo menahane habeli, mohlomong nka thaba habeli. Re hanetsana le sera se hapuoeng.

<sup>113</sup> Ha ho makatse Pauluse a boletse, mohla ba betlang kutu, ho poma hlooho ea hae, o itse, "Oho ueña lefu, tsenene ea hao e kae? Mpontše moo u ka ntsetselisang oa mpokollisa teng. Lebitla, tl̄holo ea hao e kae, 'me u hopola o ka nkatella ka ntle mono? Ke tla u supisa le se nang letho koo; 'me 'na ke ka ho Eena, O tla ntsosa ka letsatsi la qetello." Sera se hlotsoeng!

<sup>114</sup> Peō ea Borena ea Abrahama! Joale, peō ea tlhaho e sitiloe ho supa Seo. Empa Peō ea Borena e ka hapa, e se e hapile, hoba O re eteletse pele a re hapela khoro ka 'ngoe. Eena hona joale, ka mora lilemo tse likete tse peli, O ema mahareng a rōna, Mohloli e moholo. Ha A hapa maloetse feela.... O hapile maloetse. O hapile moleko. O hapile sera ka seng. O hapile lefu. O hapile lihele. O hapile lebitla, a boela tsoha. 'Me lilemo tse likete tse peli ka morao, ke enoa O eme hara rōna, thapama

ena, A itsebisa, e le Mohloli ea matla! Amen. O sa le teng mona, o a phela, ho nèpahatsa pallo ea Hae, Peō ea Borena ea Abrahama! Oh, khili! 'Me sera se tla . . .

<sup>115</sup> "O tla hapa likhoro tsa sera sa hae." Ho bao, Peō, O eme mona a phela ho Inètefatsa ho mang? Lipeō tseo tse reriloeng pele tse khonang ho e bona. O hapile seo. Eo, ka mora hlahlolo ea hae, ea pallo ea Lentsoe, ba ile ba tiiseletsoa ka Moea o Halalelang, ka hara 'Mele oa Kreste, ho bona ha chaelloa (eng?) Baheberu 13:8 e le joalo. Ba tiisitsoe mono ka Moea o Halalelang, ona Moea o Halalelang o tlileng ka . . . Abrahama o e bonetse pele; ka tumelo o e lumetse. 'Me joale rea O amohela, re hetla morao pallong eo A e boletseng. 'Me Johanne 14:12 matsatsing ana a qetello e a thasisetsoa, ke Mohloli ea tsohileng, ka Boeena.

<sup>116</sup> Ha se tsamaiso e itseng; empa Motho, Kreste, Mohloli. Ha se kereke ea ka, ha se kereke ea ka ea Baptise, kapa Presbeteriene ea hao, Methodise, kapa Mapentekosta, ha se ka hoo; empa ke ka Jesu Kreste. O a phela kajeno. O tsohile holima hoo, bakeng sa tokafatso ea rōna.

<sup>117</sup> 'Me ka hobane A phela, O itse le rōna re tla phela. "Motho ha a phele ka bohobe feela, empa le ka Lentsoe ka leng," e seng karolo ea Lentsoe, "Lentsoe ka leng le tsoang molomong oa Molimo." "Ke 'Na Tsoho le Bophelo. Ea lumelang ho 'Na, leha a shoele, o tla boela a phela. Ea phelang 'me a lumela ho 'Na a ke ke a shoa le ka mohla. Na le lumela see?" Nka khoro ea sera ka seng!

<sup>118</sup> A ka khona joang ho hapa Bosworth, athe Molimo . . . Bosworth o ne a le ka ho Mohloli. Ka baka leo o itse, "Hora ea ka ea thabo bophelong ke hona joale." Uh-huh. O ne a tseba Mohloli ea Matla eo. Kholiseho ea hae keha e tsetetsoe ho Eena. Oh, khili! Joale re ka bina:

Ho phela, O nthatile; lefung, A mopoloka;  
Kepelong, O tlositse libe tsa ka;  
Tshong, O lokafalitse ka mehla;  
Tsatsi le leng O a tla, oho tsatsi la tlotla!

<sup>119</sup> Ho bao e kang ba fekisitsoe. Eddy Perronet, kea kholoa e ne e le eena, mohla a sa khoneng ho rekisa lifela tsa hae tsa Bokreste. Ho se motho ea li batlang. Ba sa amane le eena ka letho. Oh, a hlotsoe, 'me e le molumeli! Tsatsi le leng, Moea o Halalelang oa theohela holima hae. Khoro ea sera sa hae, e sa batle ho amohela lingoloa tsa hae! Moea oa mo tšoara, eaba o phamola lesiba, Molimo oa mo ngolisa sefela sa tlotliso.

Matla a isoe 'Bitsong la Jesu!  
Mangeloi a oe a namalle;  
Tlisang moqhaka oa borena,  
A Mo tlotle ke Morena oa tsohle.

<sup>120</sup> Sefofu Fanny Crosby, khetlo le leng. Ha thoe, "Ebe e bolelang ho uena?" Ba bang . . . O hanne ho rekisa boholo ba hae joaleka Elvis Presley oa Mopentekosta, kapa Boone oa

kereke ea Kreste, kapa joaloka Red Folley, ba reka lefatše ka litalenta tsa bona; ba ruile lethala la li-Cadillac, le milione oa dolara, lirekoto tsa gauta. Empa Fanny Crosby a ema ka botšepehi temeng ea hae. Eaba o a hooeletsa:

Se mphete, Uena' ratehang,  
Moloki oa ka;  
Ha U ntse o bitsa ba bang,  
Se mphete le 'na.

Uena 'Liba se ntšelisang,  
Ho 'na u feta bophelo,  
'Fatšeng ke mang haese Uena?  
Kapa Leholimōng haese Uena?

- <sup>121</sup> Ba itse, "Ha u ka fihla Leholimōng o foufetse?"  
 A re, "Ke tla Mo tseba, le hona."  
 Ha thoe, "Ebe u tla Mo tseba joang?"  
 Ha thoe, "Ke tla Mo tseba."  
 Ha thoe, "Mof. Crosby, u ka theta milione ea didolara."  
 A re, "Ha ke batle milione ea didolara."

- <sup>122</sup> "Ebe u tla Mo tseba joang?" A re:

Ke tla Mo tseba, ke tla Mo tseba,  
Ke ema topollong ea 'hlakore la Hae;  
Ke tla Mo tseba, ke tla Mo tseba.

- <sup>123</sup> "Ha ke sa 'Mone, ke tla phopholetsa metopa ea matsoho a Hae." O ile a hapa khoro ea sera sa hae. E.

- <sup>124</sup> Ha u le ka ho Kreste! O itse, "Ha le lula ho 'Na, le Mantsoe a Ka a lula ka ho lona; kopang seo le se batlang, kopang khoro eo le batla ho e nka; kopang seo le se batlang, le tla se neoa. Ha le lula ho 'Na, le Mantsoe a Ka a lula ka ho lona, le ka nka khoro ea sera sefe se emang pel'a lona." Le Peō ea Borena ea Abrahama.

- <sup>125</sup> Khoro e ka pel'a hao ke ea'ng? Ha e le maloetse, u ea fetisang mohloli ho eona. Ke moo re ka buang, ra bina sefela sena sa mohau sa khale:

Pallo eohle ea Buka ke ea ka,  
Khaolo eohle, temana eohle... 'me le  
Mokhethoa,  
Ke tsepile 'Rato la Hae le Mokhethoa,  
Pallo eohle ea Buka ke ea ka.

- <sup>126</sup> Re fetisa mohloli, 'me Peō ea Abrahama e tla rua khoro ea sera! Mohla ba reng Lintho tsena li ke ke tsa etsoa, mohla ba batlang ho E bitsa liabolosi, kapa Belsebule, kapa ntho e sele, ruri Molimo o tla hapa khoro ka 'ngoe 'me a hape le sera.

Ha re rapeleng.

<sup>127</sup> Morena, lumella Peō ea Abrahama...Kea tseba hore ba E bona, Morena. Lentsoe leo le ka theoha joang le sa oele Mobung oo o motle? Ke ba rapella ho utloisia joale. Ho foliose mang le mang ea kenang moleng oa thapelo.

<sup>128</sup> Morena, ha ba le teng ka mona le joale, ba eso ipolele, ba eso eme pepenene ba emela Kreste, ba ikemiselitse ho tēla litumeloana tsohle le lintho tse batang, tse fōfō, tse shoeleng tse ba isitseng hole le Uena. 'Me joale ba eme, ba re, "Ke tla Mo amohela e le Mopholosi oa ka." Ke moo U tlang ho ba emela ka Letsatsi leo.

<sup>129</sup> Re sa inamisitse lihlooho tsa rōna, ha ba le teng ba ratang ho ema nakoana, thapelong, ho re, "Ke batla ho Mo emela joale, hore A tle a nkemele ka Tsatsi leo, ka pela Sefahleho sa Hae se Mokhethoaa." Kea le kopa, ke le fa monyetla oa ho bea lebitso la lona Bukeng ea Bophelo, ha le ka ema. Ha ke le kope ho ngolisa kerekeng ea ka. Ke le kopa ho tla ho Kreste, haeba le le teng mona 'me le sa Mo tsebe.

<sup>130</sup> Molimo a u hlohonolofatse, mora. E mong o teng, ea reng, "Ke—ke batla ho ema joale." Molimo a u hlohonolofatse, mofumahali. Molimo a u hlohonolofatse, khaitseli ea ka. "Ke batla..." Molimo a u hlohonolofatse. Molimo a u hlohonolofatse. "Ke nka kemo ea ka, thapama ena." Batho ba khabane bana, banna le basali, ba ntse ba ema, "Ke tla nka kemo ea ka, thapama ena."

<sup>131</sup> 'Me mohla ngaka e reng, "Be, kotsi; mali a hae a phorosela, lefu le mo apere, kapa eena." Kapa, hoseng ho hong, u tla hopola kemo ea hao. Ak'u Mo emele hona joale.

<sup>132</sup> "Ha u le lihlong ka 'Na pel'a batho, Ke tla u hlabeloa ke lihlong pel'a Ntate oa Ka le Mangeloi a halalelang. Empa ha u Mpolela pel'a motho, eo le eena Ke tla mo paka pela Ntate oa Ka le Mangeloi a halalelang."

<sup>133</sup> Molimo a u hlohonolofatse, khaitseli ea ka. Ba teng seotloana-mooeng nqa e 'ngoe? Hona joale, re sa letile. Ba bang ba bona, ba bang ba fulurung khōlō? Ho lokile. Ke tla u nka lentsoeng la hao, motsoalle.

<sup>134</sup> Lentsoe ha le oela Mobung o nonneng, joaleka mosajana enoa selibeng, o—o ile a utloisia. O ne a emetsoe Leholidmōng, ho tloha mothe-... pele ho motheeo oa lefatše. Eitse ha Leseli leo le E chabela, a E lemoha.

<sup>135</sup> Molimo a u hlohonolofatse, moena oa ka. Ke bokhabane boo... Molimo a u hlohonolofatse, moena oa ka. E ka ba u entse lintho tse ling tse khōlō bophelong ba hao; u etsa ntho e khōlōhali eo u kileng ua e etsa, joale, ho emela Kreste.

<sup>136</sup> Ntata rōna oa Leholidmō, peō e oetse mobung o itseng, thapama ena. Re bona Bophelo bo melang. Banna le basali ba

eme ka maoto a bona, 'me leihlo le bonang hohle la Molimo, E leng motlalahohle, motsebatsohle, eamatlaohle, o a ba bona. Ke ba Hao, Ntate. Ke ba hlahisetsa Uena joale, e le likhau.

<sup>137</sup> Boiphihlelo bona ba bona ba ho ema mono joale, ho tseba seo ba se entseng, ho tseba hore sena se bolelang, ba ema ho nka kemo ea bona lephakong la bakhesuoa ba 'maloa ba Morena. Ba ke ba lule ba tiile ho fihlela ba ema pela Sefahleho sa Hao ka Tsatsi lela, ke moo Puo e mosa eo e tla re, "E, tsatsi le leng Baton Rouge, kapa nqalong e bitsoang Denham Springs, o ile a Nkemela, Ntate, joale Ke tla mo emela, kapa eena." Aba sena, Morena. Ke ba Hao, ka Lebitso la Jesu. Amen.

Molimo a le hlohonolofatse, ka kemo ea lona. Ka mehla Molimo o ke o . . .

<sup>138</sup> Joale le nketssetse ntho ena feela. Le fumane, haeba le le mabapi le balisa bana, le kopane le ba 'maloa, le qoqe le bona. Ha u eso kolobetsoe, ka kolobetso ea Sekreste, etsa joalo. Kena hara balumeli joale, balumeli ba sebele, e seng baiphei-balumeli; balumeli ba sebele.

Re sa rapela, ha re rapelleng lisakatuku tsena.

<sup>139</sup> Ntate oa Leholidō, lisakatuku tsena lia tsoa joale; kae, ha ke tsebe. E ka ba ntate oa khale oa sefou ea lutseng pela mohlaka nqa e itseng, o emetse sakatuku sena ho fihla; lesea le robetseng liphateng tsa kokelo; 'mè ea letileng, ka hlahafalo, a emetse sakatuku ho boea. Ntate oa Leholidō, ke U rapela ho li felehetsa. Le bakeng sa pontšo ea Boteng ba Hao kajeno, le tumelo ea rōna ho Uena re sa tsoa qeta ho rera Lentsoe la Hao, tumelo e neng e le ka ho Abraham, le tumelo e hlahisitsoeng eo re e neiloeng Jesu Kreste, e feheletse lisakatuku tsena e folise mang le mang ha e beoa holima hae. Re li romela, ka Lebitso la Jesu. Amen.

<sup>140</sup> Joale nakoana feela, pele re mema mola oa thapelo. Molimo o matlaohle le o matla, uena Ea moholo, Uena u leng rabokhoni-bohle . . . Ka kopo hleng, metsoalle, ke—ke ke ttil'o qala ke rapella bakuli, 'me ke . . . Mohlomong, mohla ke theohang, nka—nka sitoa ho bua letho le lona; ba bang ba ka ikela pele ho nako eo. U ka bang eng, haeba u sa ka ua ema, nakoana e fetileng, 'me u sa kholiseha . . .

<sup>141</sup> Ha u le setho sa kereke, ho hotle, empa ha e a loka ka ho lekana. Ua bona, mohlanka oa morui e bile setho sa kereke. Ua bona? O botsitse Jesu seo a ka se etsang ho rua Bophelo Bosafeleng. Ha a ka a Bo amohela. A tloha a ikela. Mohlanka eo o entse bothoto bo bo kakang. U se ke ua nka malulo a hae. Le sa hopola khetlo la ho qetela ha a hlahisoa? Haisa-issa, a atleha. A atèloa haholo. A fihla moo meliko ea hae e phophomang. Empa joale re fumana boiphihlelo ba hae ba ho qetela, liheleng, a hlokofatsoa ke malakabe a mollo. U se ke ua leka, ua e lumella ho u hlahela. Amohela Kreste.

<sup>142</sup> Lona bacha, lona basetsana, bashanyana, le fihlile moo bophelo bo fetohang, etsang hoo hleng. Nkutloeng, joaleka—joaleka moena oa lona, ea le ratang. Ke mona hoba ke le rata. Ke rata Molimo, hape kea le rata, nke ke ka rata Molimo haeba ke sa le rate.

<sup>143</sup> Nka mpa, ha u batla ho etsa hlahiso, e etsetse mora oa ka mane, kapa e mong oa bana ba ka. Ha nke ke... 'Na, e ka 'na ea mpheta. Motosoali ofe o tla etsa joalo; le Molimo o joalo. Ua bona? Ako rate batho ba Hae. Le ratane.

<sup>144</sup> U re, "Hobaneng u ba omanya?" Lerato la mannete ke tokiso.

<sup>145</sup> Ha ngoana hao a lutse seterateng; u re, "Be, Junior o lutse mane. Ha a tlameha, empa ha ke batle ho thonkhā maikutlo a hae a manyenyane." Ha u mo rate. O tla bolaeloa mono. Ha u mo rata, u tla mo phamola u mo patlotse. U tla mo ruta kutlo.

<sup>146</sup> Le Molimo o sebetsa joalo. Lerato ke tokiso, ke lona lerato la mannete.

<sup>147</sup> Molisa ea emang a lumella basali ho poma moriri oa bona, ba tlola ferefere le nyee, a sa le lokise, lerato la mannete ha le eo; a sa e khaleme. A lumella monna ho nyala hararō kapa hane, le lintho tse ling tsena tsohle, ba e pheme, ha ho lerato la mannete mono. Ho le lumella ho ngolisa kerekeng, a le phathatsa mokokotlo, a le bipa ka tumeloana ea mofuta, e reng, "Ke phetho tšoanelo ea lona, ke ho ngolisa kerekeng e halalelang," ha ho lerato mono. Kapa, ho seng joalo, monna eo o lahlehile ka botlalo, ka bo-eena, ha a bone.

<sup>148</sup> Lerato la mannete ke tokiso, le u khutlisetsa Lentsoeng la Molimo.

<sup>149</sup> Shebang Jesu, mokhoa, seo A se buileng, kahobane A ba ratile, ho fihlela A ba shoela, athe ba ne ba tsetselela Mali a Hae.

<sup>150</sup> Joale a Moea o Halalelang o moholo... Ke batla ho ema motsotsotso feela. Ke emetse tlolo ea Moea o Halalelang ho theohela holima ka, le pele re qala. Esale ke rera. Kea leboha, ka tšebelisano ea lona.

<sup>151</sup> Joale, e mong le e mong ka mona, hohle moo u leng teng, hohle ka mohahong, rapela motsotsotso feela, ho re, "Morena Jesu, nthuse! Nthuse! Ntumelle ho ama seaparo sa Hao." Jesu o itse, lea tseba, mohla mosali a amang seaparo sa Hae, ha A e utloa, ka nama, empa eaba O a retoloha 'me o mo tsebile le seo a se entseng. Esale Jesu eo thapama ena, Moprista e Moholo ea ka angoang ke maikutlo a mahlomola a rōna.

<sup>152</sup> Lea lumela na, e mong le e mong oa lona, hore taba eo e nèpahetse, hore Molimo o entseng tšepiso ena, hang hape ('me A ke a e bontše) hore re phela matsatsing a Sodoma? Ba lumelang hoo ba bakae, ka mohahong, phahamisa letsoho la hao feela.

<sup>153</sup> Re phela, joaloka mohlang oo, Sodoma. Tsamaiso eohle e silafetse, tsamaiso ea lefatše, ntho eohle, tsamaiso ea kereke, tsamaiso ea lipolotiki. Ha ho letho. Lipolotiki li bolile hona. Litsamaiso, hohle, babusanosi ba rōna, hohle ke bobolu. Kereke e fetohile eona ntho eo. Malapa a fetohile eona ntho eo. Ke bobolu feela, Sodoma!

<sup>154</sup> Le boele, le hopole, Molimo o e beile ka pela lona, hape le hopole O itse O tla Itlhahisa ka nama ea motho, a sebetse kamoo A sebelitseng pela Sodoma, pele Mora oa pallo a fihla temeng. O tsepisitse ho romela ea tla etella Mora eo oa pallo pele, ka moo A sebelitseng khetlo la pele, ea tla lelekela; 'me O itse, "Mohla Mora motho a tla senoloa."

<sup>155</sup> Ha ke u tsebe. Be, Mofn. Thompson, bothata boo ba botšeħali le litšitiso, u a lumela Molimo o tla u phekola? U ka e lumela na? U tla etsa joalo? Mofn., Mofn. Thomas, u a lumela O tla u phekola? Phahamisa matsoho a hao, he.

<sup>156</sup> Ho na le mofumahali ea lutseng hantle ka mora hao. O ntse a rapela. O tšoeroe ke athritisi.

<sup>157</sup> Ea lutseng mabapa le eena, o jeoa ke mala, o ntse a rapela le eena. U tlil'o e fosa, ha u sa ele hloko. Ha u tsoe mona. U tsoa Mississippi. U Mongh. le Mof. Kramer. Ha u ka e lumela ka pelō eohle ea hao, Jesu Kreste o tla u phekola. Ha u ka e lumela. U etsa joalo? U ka e amohela he. Ke botle. Phahamisa matsoho a hao batho ba tle bone hore ke uena.

<sup>158</sup> Batho bao ha ke ba tsebe. Ha ke eso ba bone, bophelong ba ka. U tlameha ho lumela, motoalle. O ntse a Itsebisa. Le lumela seo, ka pelō eohle ea lona? [Phutheho e re, "Amen."—Mong.]

<sup>159</sup> Hobaneng u tsokolitse hlooho ea hao, monghali, ua ba ua ncheba ka mokhoa oo? E, monghali. Erekaha u entse hoo, ke tla qoqa le uena motsotsso. U batla u lutse mona u le monna ea holileng, u nchebile. O ile a ncheba, ka botšepehi bo tebileng. O e lumetse. U rapella motho ea teiloeng ke setrouku. Empa—empa taba ea sehlooho u e rapellang, u e hlokang, u batlana le kolobetso ea Moea o Halalelang. Ke hantle. Uh—huh. Ke hantle. Ha u ka e lumela! Mofumahali, u batla mosebetsi. Ntle le moo, hore u tle u ntsebe hoba ke moporofeta oa Molimo, kapa mosebeletsi, u entsoe lioporeishene tse peli. Li u siile u fokola. Maemo a mefuta eohle, bothata ba moea. Ke batla ho u bolella hore e batalalitsoe. Tumelo ea hao e a u phekola.

<sup>160</sup> [Sekheo lebanteng—Mong.] . . . ea lutseng mabapi le uena mono. O ntse a rapela. Sheba mona. O u utloile, 'me u Mo amme. Ha ke u tsebe, empa Eena o a tseba. Ke tla u bolella u n'u rapella'ng. U lumela ka pelō eohle ea hao? U jeoa ke bothata ba pululana ea nyooko, u ntse u rapela. U a lumela Molimo o tla u folisa 'me a u phekole? U Mof. Smith. Ke hantle. Phahamisa letsoho la hao.

<sup>161</sup> Lea bona, O ntse a Itsebisa. Ke eng? Ke Peō ea Abrahama, ke tumelo eo Abrahama a n'a e ruile mohlang oo, Morena Jesu Kreste hara rōna, o thasisetsa Lentsoe la Hae, ka lipontšo tse latelang.

<sup>162</sup> Mang, litlankana tse tlil'o rapelloa li kae ka palo, phahamisang matsoho a lona, uena ea tšoereng setlankana sa hao? Oh, re mpe re qale mola oa thapelo.

<sup>163</sup> Lea bona, le a utloisia ha ke re? Joale moea oo feela ha u...Ha o folise. Hoo ho mpa ho Mo tsebahatsa feela a le teng. Balisa ba lona ba na le matla a makalo ho rapella bakuli. Ha ba etse hoo; che, ruri ha ho joalo. Empa ba—empa ba na le matla a makalo, “Mehlolo e tla tsamaea le balumeli ke eona ena.”

<sup>164</sup> Joale ke batla metsoalle ea ka ea balisa mona. [Moena Branham o botsa motho, “Na ho lokile ho bitsa hara letšoelie, bareri?”—Mong.]

<sup>165</sup> Balisa ba lumelang ka pelō eohle ea lona le bakae mona, bareri ka mona, ba lumelang? Oh, kea le leboha. Kea ipotsa le ka ema na? Tloong koano, le eme le 'na motsotso feela, hantle tlase mona, ho rapella bakuli. Theohelang tlase mona hantle. Joale le shebelle pholiso e hlahang, le shebe se etsahalang.

<sup>166</sup> Ke le batla le tlide, le fole e—e mela e 'meli mona. Ke tla theohela hantle mono nakoaneng, ho rapella bakuli. Ke batla balisa ba lumelang lona ba batlang ho iponahatsa le le balumeli. Hore, lea lumela, le tsoela mona, le phela bophelo bo halalelang, bo hloekileng. Hopolang, shebang mona ho tsoa eng, se emetse Evangelie ea Kreste!

<sup>167</sup> Moena Blair, kea u tseba mono, uena kapa Moena Pat. Na le ka fola mela e 'meli eo le e tloaetseng, ka kopo, uena le Moena Pat.

<sup>168</sup> Balisa ba lumelang ba tlang ho lumela! Joale, shebang, efela ha Molimo o khona ho Itsebisa hakana 'moho le Lentsoe la Oona, ka Lentsoe la Oona, ba bakae ba tsebang Bibele, Jesu o buile sena, “Mehlolo ena e tla tsamaea le ba lumelang. Ha ba bea matsoho a bona holima ba kulang, ba tla fola”? Balisa, le tlide koano ho itsebisa joaleka balumeli. Le joalo? Le balumeli (ha ke re?), le ka be le sa ema mona. Joale Jesu o itseng? “Mehlolo ena e tla tsamaea le ba lumelang.” Le 'na ke molumeli 'moho le lona.

<sup>169</sup> Kea theoha. Bana ke batho ba rōna, 'me re balisa ba mehlape ena. Ke theoha ho sarolla letlooa la ka le lona joale, ho kopanya matsoho a ka le a lona. 'Me etlare ha batho bana ba feta, uena ea nang le thojana ea pelaelo kelellong ea hao, e tlose hona joale; etlere batho bana ha ba feta, e mong le e mong oa bona a feta, 'me re ba bea matsoho, ba tle ba fole. Le tla lumela ka pelō eohle ea lona, e mong le e mong? [Bareri ba re, “Amen.”—Mong.]

<sup>170</sup> Ba bakae ka mona ba tla rapella ba bang ha ba feta, phahamisa letsoho la hao, “Ke tla be ke rapela.”

<sup>171</sup> Le hopole, e ka ba ntatao, 'mao, morali oa hao kapa mora, khaitseli kapa moena. Ha e se oa hao, ke oa motho e mong, ea tlang ho feta moleng ona. 'Me haeba e ne e le bona, 'me ba bolaoa ke mofetše, kapa lefu le leng le nyarosang, na ha u batle monna oa botšepehi bo tebileng? Ruri, re ka rata joalo.

<sup>172</sup> Joale, kea lumela, u tlil'o sebetsa joang ho... Joale bana ba moleng *ona* mona, pakeng tsa litulo, emellang nqa *eane*, lona le tšoereng setlankana sa thapelo. Emellang nqa *eane*, bohole ba sehlopha sa le letona. Joale, mokhoa, emisang sehlopha sa le letše hali; re tla hatellana kaofela, u a bona, ebe ha le tsebe, seo re se etsang. Ho lokile, bohole ba sehlopha *sena*, emang ka *mona*. Joale, bohole ba sehlopha sa le letona, tloong ka mona, hoba lona le tla theoha, le potolohe.

<sup>173</sup> 'Me le tla tsamaea joang, ba tlil'o tsoa joang, Moena Borders? Ba tsoa hantle ka monyako o lephakong, ba pote hantle ba boele ba kene mohahong.

<sup>174</sup> Ka hona, sehlopha *sena* se tla bitsoa, metsotsong e 'maloa, 'me ba tla ema. 'Me ha re boneng joale eng... Ho lokile, lona sehlopha *sena*, le fetele ka nqa ena mona. Tšoarang litlankana tsa lona tsa thapelo, fetelang ka nqa ena. 'Me lona ba seotloana-moeeng, le theohe ho kopana le bona ntlheng ea mola holimo mono. 'Me bana ba sehlopha sa le letše hali, fetelang letsohong le letše hali. 'Me ebe, u a bona, le fola mola oa lona le ntoo khutla ka *lane*; le khutle, e-eang nqa *eane*. Lea bona? 'Me le sale mola hantle morao, re ke ke ra ferekana ho hang.

<sup>175</sup> Le lona ba holimo ba seotloana-moea, le eme meleng ea litulo, le ntoo khohlela hantle ha ba feta.

<sup>176</sup> Joale, joale qalang le khutlele morao, e mong le e mong, le khutle ho fihlela le imatanya le mola ona *mona*. Potang hantle, ka holimo ka *mona*, tsamaeang le pote le ntoo khohlela moleng ona hantle *mona*.

<sup>177</sup> Oh, se ka etsahalang hona joale! Se ka etsahalang! Mona ke mohla ho tla etsahala ho hong. Ho lokile.

<sup>178</sup> Joale, ke hantle, potang le khutle hantle ka nqa *eane*, le kene moleng hantle, ka mokhoa oo. Le potolohe mola o pakeng tsa litulo hantle. Ke moo he joale.

<sup>179</sup> 'Me joale bohole le sa eme, e mong le e mong ka maoto a hae, re tlil'o hlahisa thapelo. 'Me phutheho ena e tlil'o rapela le 'na 'moho, hore le tle le fole. E bang le tumelo joale. 'Me le se...

<sup>180</sup> Le potolohe hantle, motšeou ka morao, le pote hantle le khohlele moleng ona o morao mona. Tloong hantle, le fole molahali o le mong. Tloong hantle ka nqa *eane*, le fole mola o le mong. Ke eona.

<sup>181</sup> Mang le mang o lutse thapelang. Lulang tumelong le tiile joale. Le se ke la tsotella letše hantle joale. Hopolang, rea—re

khurumelitsoe ke Boteng ba Jesu Kreste, u tsepile rōna ho hlompha seo A se entseng hara rōna, ka ho ba le tumelo Lentsoeng la Hae.

<sup>182</sup> Ke botle. Joale ho tla itokela. Kea kholoa mola oo o itsamaela hantle feela.

<sup>183</sup> Joale e re bohole ba sa eme, ke batla motho mang le mang joale, ka hara mohaho, a inamise hlooho ea hae.

<sup>184</sup> Morena Jesu, e tla hlaha kapele. Qeto e tlameha ho etsoa hona joale. Na re hlile re lumela O le teng mona? Na rea U rata? Na re na le tumelo, Morena, e lekanang seo re tla se kopa? Batho bana ba iponahatsa ka ho ema moleng. Morena, e se be lefeela. Ho be joalo, Morena, ha ba feta mona, mang le mang a fete eka o feta tlasa Kreste, hoba re Mo tseba a le teng mona. 'Me re ba qella ho amohele pholiso ea bona. Ke tiile liveke le liveke tse tlang, batho bana ba tla etela balisa ba bona, basali bileng le mathata a botshali, mathata a mala, banna ba prostrate, mathata a mefuta eohle, ba tla phekoloa, ba ntse ba re, "U a tseba, e nyametse feela ho 'na," hobane ba eme ka pela Sefahleho sa Hao. Ba ke ba fete joale 'me—'me ba momone seo U se shoetseng. Bao ke Peō ea Abrahama, 'me U ba hioletse. Ba tle 'me ba amohele seo U ba neileng sona.

<sup>185</sup> 'Me, Satane, u hlile u pepesitsoe veke ena, ebole u itseba u le sebopua se hlotsoeng. Jesu Kreste o u hlotse Kalvari. O tsohile ka letsatsi la borarō, bakeng sa tokafatso ea rōna, 'me joale O eme hara rōna. 'Me tumelo ea rōna e sheba ho Eena, hole le uena kapa seo u se entseng. Lesa batho bana, ka Lebitso la Jesu Kreste.

<sup>186</sup> Ho lokile, qalang mola. [Moena Branham le bareri ba bea bakuli matsoho ba rapella e mong le e mong moleng oa thapelo. Sekheo lebanteng—Mong.]

<sup>187</sup> Re entse hantle se batloang ke Monghali ho etsoa. Ba fetileng moleng oo ba bakae, ba lumetseng hobane le tla phekoloa, phahamisa letsoho la hao. La ka ke le teanya le la lona.

<sup>188</sup> Seo re neng re se etsa mona, ho feleng, joaleka sehlopha sa bareri mono; bongata ba bona bo ne bo kula, ke tsebile hoo, ba mpa ba leka ho ikitlaetsa ho kenya phutheho tsa bona, e leng hore ba kena kapa che. Ke baalosi ba makhonthe bao. 'Me Moea o Halalelang o itse ho 'na, "Ba laele ho kopanya matsoho 'moho." Re ile ra fapha lipelō tsa rōna le matlooa 'moho, le lithapelo tsa rōna, 'moho.

<sup>189</sup> Jesu, ba phekole, le bona. Ba fetole balisa ba matla, ba matla Lentsoeng la Morena.

<sup>190</sup> A Molimo, baena beso, A le nee litakatso tsohle tsa pelō ea lona. Le Mo sebeletse ka matsatsi ohle a ho phela ha lona, le rue matla a Molimo maphelong a lona, ho sebeletsa sehlopha

se khabane sena sa batho. A Jesu Kreste, Ea bileng le rōna, ea nang le lona ka linako tsohle, A Ipepesetse lona ho feta kamoo A entseng pele.

<sup>191</sup> Lona batho ting, bang ba lona ba neng ba holofetse, le ka tšoha le sa bone phapang nakoana, le ka tšoha le sa bone phapang. Le shebe seo Abrahama a se entseng. Ha e etse phapang; ha u shebe ntho eo. Ha u shebe matšaoa a hao. Shebang seo A se buileng. Ha u re, “Ke sa utloa lehlaba,” ha e amane le eona ka letho. U entse seo Molimo a itseng se etsoe. Ua bona, u se shebe seo. Sheba seo A se buileng. Molimo o itse e joalo! Kea e lumela. Lona ha le etse? [Phutheho e re, “Amen.”—Mong.] Ka pelō ea ka eohle, kea e lumela.

<sup>192</sup> Morena Molimo a le hlohonolofatse ho fihlela ke le bona hape. Lithapelo tsa ka li etsetsoa lona; bosiu ha bo ke bo fifala haholo, pula ha e ke e na ka thata haholo. Ke tla le rapella. Le nthapelle. Ho fihlela re kopana hape, Molimo a le hlohonolofatse. Joale ho moena ea alosang, ua bona.



### *HO RUA KHORO EA SERA KA MORA TEKO SST64-0322*

(Possessing The Gate Of The Enemy After Trial)

Molaetsa wona, ka Moena William Marrion Branham, o rerilwe sethatong ka Senyesemane Sontaha thapama, Hlakubele 22, 1964, mane Denham Springs High School, Denham Springs, Louisiana, U.S.A., o ntshitswe kgatisong ya teipi ya makenete mme o ngotswe o sa kgaolwa ka Senyesemane. Petolelo ena ya Sesotho sa Borwa e ngotswe mme e abjwa ke ba Voice Of God Recordings.

SOUTH SOTHO

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Temoso Ea Tokelo Ea Qopitso

Litokelo tsohle li babaletsoe. Buka ena e ka porintoa ka porintara ea lelapa molemong oa motho eo kapa ea abjoa, ntle ho tefiso, e le thepa e jalang Evangeli ea Jesu Kreste. Buka ena e ke ke ea rekisoa, ea boela ea hilahisoa ka bongata, ea manehoa leboteng la website, ea bolokoa ka tsela eo e ka boelang ea ntšoa, ea fetoleloa ka lipuo lisele, kapa ea sebelisoa ho qela matlole ntle le tumello e ngotsoeng ea Voice Of God Recordings®.

Ho fuoa boitsebiso bo bong kapa bakeng sa thepa e nngoe e ka fumanoang, ka kopo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)